

Carienne Kock, Reina Infantil Oranjestad 2002

Diaranzon anochi a tuma lugar den Centro di Barrio Playa Pabao e coronacion di e Reina Infantil 2002 di Oranjestad, den persona di Carienne Kock.

E dia aki sigur tabata uno special pa Carienne, ya cu riba e dia aki (17 di October) el a cumpli su di nueve primavera.

Mami cu Papi no a laga e dia aki pasa asina mas, y a invita un gran cantidad di amiguito y amiguita di Carienne, kendenan a bini hunto pa celebra hunto e cumpleaños di Carienne.

Pa loko ta e parti di coronacion esaki a worde haci dor di Clyde Fuenmayor di The



Stars Hair Studio. Reina infantil saliente di Oranjestad, Yemira Arends, a baha corona na e ocasion aki mientras cu Reina Hubenil 2001 di Aruba, Emely Berkley e bisti Carienne su sherp.

Presente na e fiesta aki tabata tambe Reina Infantil 2001 di Aruba, Chanella Fortin, Tecla Kelly presidente di SAC y miembronan di SAC Judith Marth y Rene Ridderstaat.

Grupodibaile "The Puppy's", bao direccion di Judith Marth, a duna un bunita demonstracion di e ambiente di nos dushi carnaval.



Inscripcion Tumba Infantil y Hubenil 2002

Otro di e informacionnan cu Stichting Arubaanse Carnaval a emiti e siman aki ta relaciona cu e inscripcion pa e festivalnan di Tumba Infantil y Hubenil di Carnaval 48.

Mayornan cu ta desea pa nan jiu participa den dicho actividadnan por tuma contacto telefonico y inscribi serca Amado Rosina na 822031 of serca Rosa Croes na 856514. Tambe por manda un fax na 824214 of e-mail na sacaruba@yahoo.com.

Ultimo dia di inscripcion lo ta Diaranzon 31 di October 2001. Fecha pa e Festival di Tumba Infantil y Hubenil ta te aworaki dia 5 di Januari 2002.

Alabes kier informa cu pa aña 2002 Festival di Tumba Infantil/Hubenil lo celebra su di 4 luto, esta 20 aniversario y pa tal motibo ta spera cu tur mayor di e participantenan cu ta desea di forma parti, lo haci nan inscripcion na tempo.

Importante ta cu pa despues di dia 31 di October 2001 tur mayor di e participantenan lo wordo yama pa un reunion pa asina palabra tur lo necesario rond di e Festival di Tumba Infantil/Hubenil 2002. Stichting Arubaanse Carnaval ta spera cu tur esnan interesa lo tuma bon nota di e fechanan.